

Bok in Kamelele ko an Jinen im
Jemen/RiJikuul
2019-2020

PIONEER
ELEMENTARY SCHOOL



2301 M Street SE | Auburn, WA 98002
telebon: 253-931-4986 | | fax: 253-931-4734
www.auburn.wednet.edu/pioneer

Köttōbar an Jikuul eo

Ilo Pioneer, kim ej kallimur ien ko amim ñan rijikuul ro im baamle ko aer ñan lelok elowetak im kakajoor ajiri ro ñan tōbar joñan eo elabata remāroñ ilo katak im aer koba ibben ro jet ilobelej.



Kom Ruwainene ñan Pioneer Elementary School!

Jinen/Jemen im RiKejbārok ro:

Einwōt juōn jukjukinbed in katak ewōr rijikuul, baamle, im rijerbal ie, Pioneer Elementary ewōr an kōttōbar, kakien, im laajrak ko aoleb rej aikuj loori. Ilo ad loor kōttōbar kein, kim naaj aikuj kajejjet jermal ibben doon in lolorjak bwe Pioneer Elementary en emman im en juōn jikin eo ekwōn ñan an aoleb rijikuul katak. Jouj im lukkun riiti aoleben bok in kamelele in an jinen im jemen/rijikuul im kōmman ien ñan am kenono kake ibben ajiri eo nejum.

An juōn baamle bōk kwonaan ej juōn mōttan aurōk ilo jelālokjen, im kwōj kōmane juōn jermal eo ej make wōt. Kim ej rejañ bwe kwōn riiti leta in nuuj ko an jikuul, kebaak rijerbal in jikuul kin wāwein am māroñ bōk kwonaam, kanne juōn ablikejen in volunteer im koba tok ilo makitkit ko an jikuul. Kim ej kaurōk am bōk kwonaam ilo jelālokjen eo an ajiri eo nejum, im kim mōnōnō kin jibañ eo kwōj lelok ñan ajiri eo nejum ilo mweo mōm. Jouj im jab āliklik in kebaak kim elañe ewōr am kajjitōk, enaan, ak abunōnō. Lewaj naan in kamoolol kin am koba tok ibbamim ilo yiō in!

Ilo kautiej,

Paul McKenzie – “Mr. Mac”
Burinjibōl, Pioneer Elementary
pmckenzie@auburn.wednet.edu
(253) 931-4986

Rachel Collins
Assistant Burinjibōl, Pioneer Elementary
rcollins@auburn.wednet.edu
(253) 931-4986

Pioneer Elementary LAAJRAK EO AN KAJOJO RAAN

AWA KO AN OBIJ EO:

- 7:30 awa jibboñ - 4 awa raeleb

Laajrak eo an aoleb raan:

- *Laajrak eo ekkā*
 - Mōñā in jibboñ ej jino: 8:25 awa jibboñ
 - Jikuul ej jino: 8:45 awa jibboñ
 - Jikuul ej jemlok: 3:15 awa raeleb
- *Mande PLC (Professional Learning Communities, PLC)*
 - Mōñā in jibboñ ej jino: 9:25 awa jibboñ
 - Jikuul ej jino: 9:45 awa jibboñ
 - Jikuul ej jemlok: 3:15 awa raeleb

Mwil ko katmāne ilo aoleben jikuul eo

Pioneer Elementary ej kōjērbal Pioneer PATH ibben aoleb rijikuul einwōt juōn wāwein kenono kin kālet ko rej kōmani remman im mwil ko kim kōnaan loi ilo jikuul im ilo mour. PATH ej lelok juōn kajin bwe rijērbal in Pioneer im rijikuul ro ren kenono im melele kin aikuj ko emōj katmāne an jikuul.

Pioneers

Are

Trailblazers

Here ak ijin kim ej KAUTIEJ, BŌK EDDO im KWŌN.

Ito-tak ilo Pioneer PATH ej jibañ kin:

- Kaben mwil ko remman an rijikuul
- Jibañ kim kōmman juōn mejatoto eo ekwōn im emman ilo jikuul
- Bōbrae im kalikkar mwil ko rebwōd
- Lelok kajoor bwe rijikuul ro ren jelā kōmman lemnak im rej lelok kwonaer ilo wāwein ko remman ñan jikuul eo aer, baamle eo aer, im jukjukinbed eo aer

KAUTIEJ: Kwalok am kautiej ak jelā nae ro jet, jikuul eo am, im kwe make.

- Waan joñok ko rekoba:
 - Kōjērbal naan im makitkit ko rejouj, kautiej, im rekkar
 - Jelā make drebij naan im makitkit ko am
 - Roñjak bwe kwōn melele
 - Lemnak kake im kobaiki ro jet
 - Karreo ruum in kilaaj im jikuul

BŌK EDDO: Kōmani men ko ewōr katmāne kwonaaj kōmani im bōk eddo kin kālet ko am.

- Waan joñok ko rekoba:
 - Loor kamelele im kakien ko an jikuul
 - Kajejjet awa in am itok im bed aoleben raan eo
 - Kate joñan am māroñ
 - Jerbal im bukōt uaak ko kin wāwein ko rekkar
 - Bōk eddo kin kālet ko am

KWŌN: Kōmani kālet ko renaaj kejbārok kwe im ro jet jen jorāān.

- Waan joñok ko rekoba:
 - Likit neem, beim, im mweiuk ko ibbam make
 - Etetal iloan kilaaj im ilo jikin etetal ko
 - Loor laajrak in kwōn ko
 - Jab bōk kwonaam ilo unuun, dreñlok, jijjuuj, ak "ikkure in irre"
 - Kabbok jibañ jen rijērbal elañe kwonaaj loe juōn men ejjab kwōn ñe ejjab ilo ien am aikuj jibañ kin juōn jorāān elab

MELELE KIN IEN AM ITOK IM ROOL

**Ilo am loor laajrak ko emōj kalaajrak ilal, kwonaaj jibañ bwe en kwōn rijikuul im jikin jikuul eo, im bar lolorjak bwe en jejet im emman an makitkit kein jermal ko. Kim mōnōnō kin jibañ eo am, im kim ej mōkaj in kamolool eok kin am lukkun lale laajrak kein.*

Jāde tok

- Jikuul ej jino ilo 8:45 awa jibboñ. Kin unin kejbārok ko, rijikuul ro rej aikuj bebe in jāde tok JAB RUMIJLOK jen 8:25 awa jibboñ. Mokta jen ien in, enaaj ejelok rilale rijikuul ro.
- Ilo raan in rumij ko an PLC Mande, jikuul ej jinoe ilo 9:45 awa jibboñ. Kin unin kejbārok ko, rijikuul ro rej aikuj jāde tok ñan jikuul JAB RUMIJLOK jen 9:25 awa jibboñ.

Rool

- Enej mōj jikuul ilo 3:15 awa raeleb. Rijikuul ro rej ektak er ilo ien an jemlok jikuul aikuj bōk er ilo ien eo wōt. Karool enaaj dedelok mokta jen 3:20 awa raeleb.

Kamelele ko kin wāwein Ekto Ektak rijikuul

- Jikin paak wa eo an Pioneer emōj kōmman bwe en JIKIN PAAK AN RIJERBAL WŌT.
- Wāwein ekto ektak rijikuul ñan jinen im jemen ekoba:
 - Ilo raan ko kwōj aikuj kattōre rijikuul eo nejum ñan jikuul eo in jibboñ ak ektak er in raeleb, jikin paak wa eo an mōn jar eo ebed turin/south in Pioneer emōj kōmman bwe en jikin an jinen im jemen ajiri paak im ektak/ekto.
 - Ñe ejjab kwomāroñ ektak ak ekto itulikin jikuul eo ilo "K" Street. Ilo ien an rijikuul rool, rikaki ro rej boklok rijikuul ro ñan jikin lain ko emōj lilok.
- Elañe ewōr ien kwōj aikuj kattōre ajiri eo nejum ñan im jen jikuul, jouj im lale laajrak in kakien ko ilo ien am paak ilo jikin paak eo ilo mōn jar eo.
 - Dreloñe jikin paak eo ebed south in Pioneer im paake wa eo waam.
 - Boklok ajiri eo nejum ñan curb eo ekwōn (jikin eo edekākā ilo jikin paak eo an mōn jar im ej koba ibben jikin etetal eo an Pioneer). Ajiri eo nejum emāroñ wōnmaanlok ilo an make dreloñe jikuul eo ak kwōmāroñ kadreloñ ibbeir.

Kamelele ko ikijen an Rijikuul eo Etetal

- Jouj im kememej, Pioneer ej juōn jikuul rej etetal ie.
 - AOLEB ajiri ilo kilaaj **K-5** im rejjab uwe ilo baj renaaj rolok ñan juōn ialen etetal **mokta jen 3:15** kajojo raan.

Kamelele ko jet

- Ejelok ien ajiri eo nejum eban le ilo jikin paak eo, im jikin paak ko ilo M Street ak K Street ñe ejelok ritto ej etetal ibbeir.
- Lolorjak an ajiri eo nejum jelā ia eo ej ioon kwe im bareinwōt bwe rikaki eo an ajiri eo nejum im obii eo ren loe kōjjelā ilo jeje kin jabdewōt oktak in bebe ikijen am ektake.
- Kajjeoñ in jab kōmman jidrimkij in oktak ikijen ialen an ajiri eo nejum rool kinke ej kōmman boktak iloan kilaaj ko im kōmman bok ilo ien eo elab an boub ilo raan eo. **Oktak ko rej kōmman ālikin 2:30 remāroñ jab tōbar ajiri eo nejum.**
- **Rijikuul ro remāroñ lemnak in etetal jet raan im uwe ilo baj ilo raan ko jet elañe enaaj wōr juōn beba jen jineir ak jemeir.** Ejelok beba jen jinen im jemen = Ejelok Oktak ilo Bebe ko.
- Elañe juōn rijikuul ejjab kōnaan uwe ilo baj jen kiō im etal, rej aikuj bōktok juōn beba jen jinen ak jemen in lelok kamelim an ajiri eo etetal ñan mweo mōn jen kiō ñan jemlok in yiō in jikuul eo. Jouj im kōjjelāik obii im rikaki ro jimor elañe aikuj wōr oktak ilo ialen ajiri eo nejum.

Bajikōl, Scooter, im Skateboard ko

- Rijikuul ro ilo kilaaj K-5 remāroñ uwe ilo *bajikōl* ko ñan jikuul.
- Ejjab an jikuul eo eddo kin bajikōl ko renaaj jako, kooti, ak jorāñ.
- Rijikuul ro **REJ AIKUJ** kōkōnak helmet ñe ejjab reban melim in bōk bajikōl eo waer ñan jikin jikuul.
- Bajikōl ko rej aikuj in kakwōni im lak ilo jikin bajikōl ko.
- Ilo jemlok in raan eo, rijikuul ro raar bōktok bajikōl ñan jikuul aikuj etetal lok ñan bajikōl ko waer ilo jemlokin lain in kilaaj eo aer. Ilo ien aer etetal ñan jikin eo juōn ilo crosswalk eo, remāroñ jino uwe ilo bajikōl ko waer.
- Rijikuul ro rej aikuj etetal kin bajikōl ko waer ilo jikin jikuul aoleb ien.
- Kin unin kejbārok ko, rijikuul in Pioneer **rejjab melim aer uwe** ilo wāwein ial kein: Hover board ko, scooter ko rej ettōr ak ewōr aer battery, skateboard ak bajikōl ko.

KATMĀNE KO IKIJEN JĀDE IM BED ILO JIKUUL

Jāde ñan ien kilaaj enaaj jibañ rijikuul eo ilo kōtōbar ko an. Jouj im jibañ an ajiri eo nejum tōbrak ilo jikuul ilo am jilkinlok ñan jikuul aoleben raan eo im aoleb raan.

Rijikuul rej aikuj etal im jikuul aoleb raan ekkar ñan kakien eo an Compulsory Education ear le ibben State of Washington ilo Juun 6, 1992. Men ko ijellokin rej nañinmij, tōmak in kabuñ, ñe ejjab juōn iduñ an baamle. Ien taktō im taktō in ñi aikuj kōmman ilo raan ko ejelok jikuul ñe ejjab ilo ien kakkije ko an jikuul. Jāde ñan jikuul aurōk ñan an rijikuul tōbrak. Iminene ilo aoleben mour kin jelā bōk eddo im kajejjet awa rej katak ilo yiō in elementary ko, im eddo eo an jinen im jemen aurōk ñan jibañ lelok katak in mour. Jej jermal in jibañ im rejañ jinen im jemen kin jermal in ilo an ajiri ro nejier rittolok ilo yiō in elementary ko. Enaaj wōr an rijikuul ro nebar aoleb wiik, allōñ, im ilo aolep jilu allōñ (trimester) ikijen aer niknik in jāde ñan jikuul.

Jolok raan in Jikuul

- Jouj im kirlok obii eo an Pioneer ilo (253) 931-4986 mokta jen 9:30 awa jibboñ (mokta lok ñe emāroñ) elañe ajiri eo nejum enaaj jako raan eo. Call ko emōj kanne aer kenono renaaj etal ñan nōmba ko kein kajuōn ilo 9:40 awa jibboñ elañe ejelok enaan jen jinen/jemen. Jinen/Jemen aikuj kebaak obii eo ilo talebon ak beba ilo ien an rijikuul eo rool jen an kar jolok raan in jikuul. Aikuj wōr beba jen taktō elañe rijikuul eo enaaj jolok 3 raan in jikuul ak lablok.
- Likit wōt ajiri eo nejum ilo mweo elañe biba eo an enaaj lab, ej emmōj, ak emōj an taktō ba en bed wōt mweo.

*Kōmman rekoot ikijen Jāde ñan Jikuul an ASD:

- Raan in jikuul eo ej ajeej ñan 4 ien jāde ko- jako ko rekoot einwōt 1/4 raan, 1/2 raan, 3/4 raan, im likio in juōn raan kin awa ko laajrak ilal:

8:45-10:25	10:25-12:05	12:05-1:35	1:35-3:15	len jinoe ekkā
9:45-11:05	11:05-12:35	12:35-1:50	1:50-3:15	len jinoe an PLC

Rumuj ko

- Elukkun aurōk bwe aoleb rijikuul ren bed ilo kilaaj ilo jinoin raan eo aoleb raan. Kajejjet awa eaurōk ñan katak im bareinwōt juōn aikuj ilo kabeel in jermal. Rijikuul ro rej rumuj jekdoon 10 minit ilo juōn raan ñan kilaaj rejjab ebbōk katak ko raurōk. Rijikuul ro rej itok ālikin an jikuul mōj an jinoe ilo 8:45 (ak 9:45 ilo PLC in Mande ko) aikuj kadreloñ etaer ilo obii eo bwe ren ebbōk aer melim in etal ñan kilaaj. Jinen/Jemen ro rej aikuj boklok ajiri eo nejier ñan obii eo ñe ejjab lelok juōn beba in kalikar unin an rumij.

Ikutkut in Rumuj

- Ikutkut in rumuj ko renej nana aer jelete rijikuul eo ilo an katak. Ñe ejjab bōjrak ikutkut in rumuj emāroñ kōmman an wōr juōn kwelok ibben jinen/jemen im emāroñ bar jet bebe in jermal ko relab.

Ikutkut in Jako ak Jolok Raan in Jikuul ko

- Kakien an State (RCW 28A.225.020) aikuj bwe en laajrak juōn kwelok ilo ien an juōn rijikuul bōk 3 jako ejelok melim ak 5 jako remelim iloan juōn allōñ. Kwelok in ej kōmman ñan kenono kin wāwein ko ñan jibañ bwe rijikuul eo en jāde. Jako ko rektkut remāroñ kabañ an juōn rijikuul wōnmaanlok im an bukōn eo māroñ lelok aikuj ko an ikijen jelālokjen. Kakien an State RCW 28A.225.010, ej kalikar bwe elañe juōn rijikuul enaaj wōr 7 an jako rejjab melim ilo jabdewōt allōñ ñe ejab 10 jako remelim iloan yiō in jikuul eo, jikuul eo aikuj baele juōn kajjitōk ibben jikin ekajet eo an jodrikdrik.

Mōkaj in Rool

- Bed ñan jemlokin raan in jikuul eo elukkun aurōk. Mennin ekkā ilo ien an homework im beba ko jet raurōk rej etal ñan ibben rijikuul ro, ñe ejjab juōn ien kenono ej kōmman kin makitkit ko an raan eo moktalok. Jouj im kōmman appointment ko ālikin 3:15 awa raeleb, elañe emāroñ.
- Jinen/Jemen aikuj jeiki etan ajiri ro ilo obii eo ilo ien eo emōkaj aer ektake jen jikuul. Rijikuul ro reban rolok kōtaan 2:30 im 3 awa raeleb ñe ejelok kōjellā mokta jen 2 awa raeleb ñan obii eo.
- Jouj im bojak in kwalok ID. **Ajiri eo nejum eban rolok ñan ajiri ro jet jein ak jatin, nukkun, ak mōttan im rejjab laajrak ilo rekoot ko an ajiri eo nejum ñe ejelok kamelim moktalok jen jinen/jemen ak rikejbārok.**

CELL PHONE im KEIN JERBAL KABEEL KO

Ewōr kakememej ñan rijikuul ro rej boktok cell phone ak kein jermal kabeel ko ñan jikuul ke rej aikuj bed iloan backpack ko aer im kun ilo awa in jikuul ko. *Cell phone im kein jermal kabeel ko rejjab melim nabōjin kilaaj, ilo ien kakkije, ak ilo ien mōññ in raelab.* Rijerbal in jikuul renaaj bōk cell phone ak kein jermal kabeel ko an rijikuul im boklok ñan obij eo elañe renaaj kōjerbali ilo melan ko an jikuul im ilo ien awa in jikuul. Enaaj wōr kajjitōk bwe jinen ak jemen ren ektak jabdewōt cell phone ak kein jermal kabeel juōn rijikuul enaaj kōjerbale ilo awa in jikuul.

Kim naaj bar kajjitōk bwe jinen im jemen rijikuul ro ren kakememej rijikuul ro kin Jimwe in kōjermal kein jermal kabeel ko remelim im ta melelein. ***Jimwe in kōjermal kein jermal kabeel ko - juōn armij eo enaaj wōr an kabeel im jelālokjen ñan an jejjet kōjermal Internet im kein jermal kabeel ko jet, elabtatañanmāroñin jejjet an bōk kwonaan ilo makitkit ko ilobelej im kabijuknen.***

KATAK KO AN JUŌN KILAAJ

Rej likit rijikuul ro iloan kilaaj ko ñan kōmman juōn jekjekin katak eo emman tata ñan aoleb rijikuul. Kim ej kajjeoñ in kōmman juōn kilaaj emman joñan ladrik im ledrik kin māroñ in katak ko elōñ uwaer. Rej lukkun lale joñan an kajojo ajiri jelā make jermal ak katak, tōbrak in katak eo an rijikuul, wāwein an katak, jekjekin mwilin, aikuj ko an rej make wōt (special needs) im jela im kabeel ko an rijikuul ro. Burinjibōl eo ak rijerbal in obij eo, ekkar ñan joñan belloko eo, rej likit rijikuul ro rej kadreloñ etaer ālikin an yiō in jikuul eo jinoe. Jekdoon ijo renaaj likit ie eliktata, ewōr amim lōke ke ajiri eo nejum enaaj bōk juōn jelālokjen eo euteej ilo Pioneer Elementary.

Kim kaurōk melele ko am ikijen ijo renaaj likit ajiri eo nejum. Jekdoon ñe kim ejjab kamelim kajjitōk ko kin kālet eo am kin rikaki, kwomāroñ letok jabdewōt melele ko jet kin ajiri eo nejum im emāroñ jibañ kim kin madmōd in. Jouj im kōmane mennin mokta jen Juun 1 ñan yiō in jikuul eo ej bedo tok.

WĀWEIN LETO LETAK MELELE IBEN RIJERBAL IN PIONEER

An belok mejatoto in leto letak melele elukkun aurōk ñan kim. Kim ej rejañ jinen/jemen bwe ren kirtok ak bōjrak tok ilo obij eo jabdewōt ien ewōr kajjitōk ak abunōnō. Elañe rijikuul eo nejum ewōr an kajjitōk ak abunōnō kwokōnaan kenono kake ibben rikaki eo an, jouj im karōke juōn ien kwelok ibben rikaki eo ilo am kirtok jikuul eo. Rikaki eo enaaj karool waj call eo am ilo ien eo wōt emāroñ.

Elōñ ien leto letak melele ilo e-mail emman tata, kinke rijerbal ro rej bed ibben rijikuul ro ilo raan eo. Ekkā an rikaki ro lale email ko aer mokta im ālikin ien jikuul. Kwomāroñ loe email atoreej ko an rijerbal ro ilo am etal ñan website eo an jikuul (www.auburn.wednet.edu/pioneer) ilo laajrakin rijerbal jikin eo ej ba "Our School."

JIKIN KO REJ LALE AJIRI ILO RAAN

Jino ilo 19-20 yiō in jikuul, *Right At School* enaaj lewaj burokraam ko reutiej joñae, emman lok wōnāer, im ebidodo kōmman oktak ko ie ikijen lale ajiri mokta im ālikin jikuul ilo Pioneer Elementary im elementary school ko jet an Auburn. Lale [Website eo an Right At School'shttp://rightatschool.com/](http://www.auburn.wednet.edu/rightatschool) ñan melele ko relablok. Ebellok registration ñan yiō in jikuul 19-20.

Kwomāroñ bar loe juōn laajrak in jikin ko rej lale ajiri iloan jikin eo an Pioneer Elementary. Ewōr melele ilo jikin eo "For Families" ilo website eo an bukōn in jikuul, www.auburn.wednet.edu.

KATAK IKIJEN KAJIMWE BWŌD

Enaan ikijen tōmak kin wāwein katak /An Rijikuul lale kōttōbar ko aer

Ilo Pioneer Elementary kim ej tōmak katak ikijen kajimwe bwōd ej juōn wāwein katak. Ewōr an aoleb rijikuul māroñ in jikuul eo ej lelok rejañ ikijen katak ko remman im wōr tokjeir ilo juōn mejatoto eo ekwōn im jejjet. Rijikuul ro rej ebbōk jibañ eo elabtata jen burokraam in jelālokjen eo aer ñe rej bōk eddo kin makitkit ko rej kōmani. Kim ej tōmak kajojo rijikuul ilo jikuul eo amim ej an kajojo ritto eddo ilo jikuul eo amim.

Kōttōbar ko amim rej:

- Kōmman katmāne ko ralikar
- Lelok katak im kwalok mwil ko rekkar.
- Lelok jibañ ñan aer jelā make bōk eddo im lorlorjake
- Kolablok aer jelā kautiej er make
- Kolablok aer itok limo ilo tōbare utiej in katak im ikijen mwilier ilo jikuul.

Ñan tōbare kōttōbar kein, rijerbal ro rej jermal ibben jinen/Jemen im rijikuul ro in loloorjak kajojo ajiri enaaj tōbrak iminene in katak eo an.

Mennin katmāne ko ñan Rijikuul

- Loor PATH eo an Pioneer. **Pioneer** ro **Are** ak rej **Trailblazers**. **Here** ak ijin kim ej KAUTIEJ, BŌK EDDO, im KWŌN.
 - Lale beij 3 ñan waanjoñok kin wāwein ad loe im roñ KAUTIEJ, BŌK EDDO im KWŌN.

Mennin katmāne ko ñan Jinen/Jemen

1. Kwalok jibañ ko remman im am itok limo ilo jelālokjen eo an ajiri eo nejum.
2. Jermal ibben rijerbal in jikuul ñan bukōt jemlok ikijen abunōnō ko ikijen mwilin rijikuul.
3. Riit, etale, im kaben mennin katmāne im kakien ko an aoleben jikuul eo ibben rijikuul eo am.
4. Kenono ibben rijerbal in jikuul eo ikijen kajjitōk, kōnaan, im/ak abunōnō ko.
5. Loloorjak an rijikuul kajejjet awa in an etal im jikuul, aoleben raan eo im kajojo raan.

KAKIEN IKIJEN NUKNUK KO

Kwomāroñ loe ijin lal kein kajineet ikijen nuknuk an aoleb rijikuul rej kilaaj K-5 ilo Pioneer Elementary. Jouj im jibañ kim loloorjak bwe rijikuul eo nejum ekkar nuknuk ko an ñan jikuul. Nuknuk im/ak rokjen ko rej kaal jorāān ñan ejmour eo an rijikuul im/ak kwōn, ak ñe ekakkure jermal ak kōmman boktak iloan kilaaj ak jikuul, reban melim. Ewōr an burinjibōl eo māroñ in lale ta eo ej kakkure an rijikuul katak ilo Pioneer. Kommol kin jibañ ko am.

- Nuknuk ko rej kwalok loje (einwōt "jiiñlij kadu") rejjab melim.
- Ejjab melim jiiñlij ko remwijmwij beir.
- Tāñ taab im tuub taab ko remelim wōt elañe rej kanōke juōn jilñij, jōōt, ak vest ibben.
- Kadru ne ko aikuj aitok ñan ijo adri in be eo etōbare (ilo an rijikuul eo kajimwe an jutak) im kobaik neen. Kadru ne kadu, mwijmwij, im kadu ne spandex ak roba ko rejjab melim.
- Jilñij, at, kaddep (badge), kein tōrejab (einwōt marmar, dede im men ko jet), jedoujij, ak mennin in ekōnak ko, ewōr jeje, kōkkalle, ak enaan ko rej jibañ arkool, uno ko rekajoor, men ko ritto rej kōmani, jab nuknuk, kōmman jorāān, ak mantin kumi in kōbata ak men ko rej kakkure mejatoto in katak rejjab melim.
- At, nuknuk ko rej binej bar, im kein lokwar bar reban ekōnak iloan jikin jikuul eo im aikuj kōmakiti mokta jen dreloñ iloan jikin jikuul eo.
- Ejelok jeje in eo (tattoo) remāroñ ejeer ak kōjermal makōr ilo bā, mej, im jikin ko jet.
- Jedoujij im jilñij ko rej aikuj ejelok roñ im botak ie im aikuj jab wōr mwijmwij ñan kwalok ānbwin (waan joñok, ejjab "etoto").
- Ejjab aikuj walok jaromta ak jakōlkōl ak bra ko an rijikuul iloan nuknuk ko aer.
- Rijikuul ro rej aikuj ekōnak juuj im nuknuk ko rekkar ñan ien kakkije im PE. Kin unin kejbārok ko, jori im juuj ko jet ewalok adri in ne rejjab melim.

Nuknuk ko rekkar ñan ien mōlo im wōt rej jibañ an ajiri eo emman kōjeān ilo an itok im etal ñan mōn jikuul im bareinwōt ilo ien kakkije eo. Ilo bar raan ko ej wōt, ajiri ro ekkā aer etal ñan nabōj im ikkure ilo ien kakkije. Jouj im jermal ibben ajiri eo nejum ñan kālet nuknuk ko rekkar. Im bareinwōt, kim kōnaan bwe kwōn jeiki etan ajiri eo ilo nuknuk im mweiuk ko an kin juōn peen in jeje ejjab ejeer.

JERBAL KO IKIJEN MŌÑĀ

Jermal in jiban ikijen len mōñā eo an Auburn School District ejjab loon jāān ñan wōnāān mōñā in raeleb ilo jikuul, im aurōk bwe en wōr kwōn ñan mōñā in raeleb im/ak mōñā in jibboñ mokta jen an rijikuul eo etal im jikuul. Mōñā in raeleb ko remānān rej lelok aoleb raan im ewōr milik ñan rijikuul ro rej bōktok mōñā in raeleb eo kijeir. Ewōr laajrak in mōñā ko ilo website eo an bukōn in jikuul.

Mōñā in Jibboñ

Rijikuul ro remāroñ tōbrak ñan mōñā ejelok wōnāān = **ejelok jaaj**

Rijikuul ro remāroñ tōbrak ñan mōñā ko edrik wōnāān = **ejelok jaaj**

Rijikuul ro rejjab kanne pepa ak rejjab māroñ tōbrak ñan mōñā ko ejelok wōnāān ak edrik wōnāān = **\$1.50** wōnāān eo likio an rijikuul, **\$2.50** wōnāān eo likio ñan ritto

Mōñā in Raeleb (Elementary)

Rijikuul ro remāroñ tōbrak ñan mōñā ejelok wōnāān = **ejelok jaaj**

Rijikuul ro ilo kilaaj K-5 im remāroñ tōbrak ñan mōñā ejelok wōnāān = **ejelok jaaj**

Rijikuul ro rejjab kanne pepa ak rejjab māroñ tōbrak ñan mōñā ko ejelok wōnāān ak edrik wōnāān = **\$3.00**

Ritto ro / rijikuul ro raar jab kadreloñ etaer / rilotok ro = **\$4.00**

Milik (elañe renaaj wia im ejelok mōñā in raeleb) = **\$0.50**

Aoleb jikuul ilo bukōn in jikuul eo an Auburn rej jerbal kin juōn madmōdin kambicutōr ikijen wia mōñā. Rijikuul eo nejum ewōr an make akaun kin 6 nōmba ilo jikin mōñā eo ebojak im kōttar ñan ien eo enaaj itok im jikuul. Ñan ad māroñ jinoo akaun in, jinen/jemen emāroñ kanne jāān ñan raan, wiik, ak allōñ eo. Mennin enaaj lewaj ien am kabooj aikujin mōñā in raeleb eo an ajiri eo nejum toon wōt am kōnaan. Elañe enaaj drik akaun eo an ajiri eo nejum, enaaj iwōj kōjjelā ilo pepa ak jitaam kein kakememej ke kwaikuj jāān in mōñā in raeleb! Ilo ien eo enaaj ejelok jāān ilo akaun eo an ajiri eo nejum, juon am call enaaj kōmman ñan mweo mōm. Elab rejañ bwe baamle ko ren kōllāiki mōñā in raeleb ko an ajiri ro nejier mokta lok ilo Skyward Family Access ñe ejab ilo aer make etal im kōllā ilo Pioneer Elementary.

Jibañ ikijen Jāān

Ewōr ablikejen ñan mōñā ko ejelok wōnāān ak edrik wōnāān online. Elañe ejelok am internet, kwomāroñ bōk juōn kabe in ablikejen in ilo pepa jen obij eo. Elañe kwar bed ilo ejelok wōnāān ak driklok wōnāān yiō eo mokta lok, kwonaaj **aikuj** bar kanne pepa ilo am kadedelok juōn pepa kāāl an yiō in jikuul in. Aikuj juōn pepa an kajojo baamle. Bukōn eo enaaj kōmman kamool kōllā jabdewōt ien iloan yiō eo. Elañe ewōr jabdewōt am kajjitōk ak abunōnō, kwomāroñ kirklok Child Nutrition Services ilo (253) 931-4972.

Kajjitōk kin Mōñā/Dren

Kim ej kajjitōk ibben jinen/jemen/rikejbārok ro bwe renjab jilkintok kola, dren ko jet ewōr caffeine ak kein karujruj ak tōñal ko elab joñaer ibben ajiri ro nejier. Ñan ad māroñ jibañ lelok mōñā ko elab ōnier im lolorjak an tōbrak rijikuul, dren ko emōj laajrak ijin lōñ ak tōñal ko elab joñaer reban melim ilo jikuul eo. Elañe ajiri eo nejum ej boktok kijen mōñā in raeleb ñan jikuul, jouj im kajjeoñ in jilkintok kijen mōñā ko ewōr ōnier.

KABUNŌNŌ, KAKWŌR, im KAMIJAK

Kim kōnaan bwe Pioneer en juōn jikin ekwōn im ruwainene ñan rijikuul. Kabunōnō, kamijak, im kamijak ekoba riab, kōmman kōjak, naan ko relāj, bija mōñka, kakutōtō, kōkalle, kajorāān ānbwin, ak kamijak ko. **Kamijak elablok jen aer jab errā ibben ro mōttaer. Rej kōmane ilo aer jelā, im rej ālij aer kōmane, im ewōr kōta in kajoor kōtaan armij eo ej kōmane kamijak eo im armij eo ej bōk jorāān eo.** Mennin emāroñ lab an kakkure jelālokjen eo an juōn rijikuul ilo an kōmman bwe jikuul eo enjab juōn jikin ekwōn ñan bed ie.

Rijikuul ro an Pioneer rej kallimur in aer Jutak ikijen Jimwe! Ro rej jutak ikijen jimwe ewōr aer māroñ in kōmman oktak ilo kōmman ko ñan ro mōttaer! Rijikuul ro remāroñ jibañ ilo aer:

- Bineji riab ko. Wāwein am uaak emāroñ kōmman juōn oktak eo elab.
- Jibañ armij eo rej kajorāāne. Elañe mōttam armij eo ej kōmman kamijak, kajjitōk an bōjrak. Karuwaineneik armij eo rej kajorāāne bwe en koba waj ibbam. Kajjitōk lok ñe aikuj jibañ ñe ejjab ñe emman an bed.
- Kakobaiki ro jet. Ba ñan juōn ritto, kajjitōk an ro mōttam jibañ, im rejañ ro jet rej jutak ikijen jimwe bwe ren bōk kwonaer.
- Kōjjelā kin enaan ko rej bed mejatoto im rejekkar im ewōr uwata ñan juōn ritto (baamle ak rijerbal)

Rijerbal in Pioneer rej lukkun lale mantin kamijak. Rej lelok kajju in katak ikijen jab kamijak ilo kajojo kilaaj im rijerbal ro rej bōk kwonaer ilo ien aer elolo ak ebbōk ripoot kin kabunōnō, kakwōr ak kamijak. Jouj im jibañ kim drebij an Pioneer kwōn im juōn jikin ruwainene ilo ad kōjjelā kake kamijak ilo ien kwonaaj loe ak roñ kake.

Kakien eo iumwin RCW 28A.300.285 ilo Common School Laws of the State of Washington, ej kalikkar ke Kabunōnō, Kakwōr, im Kamijak ejjab melim iumwin kakien ko an jikuul. Kakien im laajrak ko an bukōn in jikuul eo an Auburn ikijen kabunōnō, kakwōr im kamijak, emōj kalikkar ilo pepa eo an bukōn. Men kein renaaj ajeej ñan kajojo em im renaaj bar bed ilo jikin pepa in melele ko ilo jikin dreloñ eo imaan ilo jikuul eo. Rijikuul ro rej tōmak raar ak ro jet ear wōr kabunōnō, kakwōr im/ak kamijak aikuj kajju bōktok abunōnō in ñan juōn rijerbal in jikuul im/ak burinjibōl eo. Rijikuul remāroñ lemaanlok ñan obij eo ñan etale, men ko emōj loi, katak kin bwōd in mwil im/ak madmōd ko ikijen kabōjrak an jikuul.

MELELE KIN RUUM EO AN EJMOUR (HEALTH ROOM)

Aoleb ien fall ewōr kajjitōk lok ñan jinen/jemen bwe ren kōjjelāik jikuul eo kin jabdewōt jorāān in ejmour ibben ajiri ro nejier. Jouj im kōjjelāik kim kin oktak ko ikijen ejmour ak joñan makitkit ko ilo ien aer walok. Ilo Pioneer, ewōr juōn nōj ej bed ijo 2 raan kajojo wiik. Ebar wōr juōn health-tech ak juōn eo ewōr an kabeel kin ejmour ej bed kajojo raan. Jouj im letok melele ilo ien iduñ an tōre in, ekoba talebon nōmba im armij ro jej kebaak ilo ien iduñ elañe jejab māroñ tōbar kwe.

Etale ko ikijen lolak ijen ñan ro rejjab loi men ko rettolok im etale ikijen roñjak kin jaroñroñ rej kōmman ilo jikuul eo aoleb fall. Ewōr kōjjelā ej etal ñan jinen/jemen elañe ewōr oktak. Jerbal in etale men kein wōt im rejjab bōk jikin ien taktō ko ekkā rej kōmman ibben juōn taktō in mej ak taktō an baamle eo.

Elañe ajiri eo nejum ej ebbōk uno ilo jikuul juōn pepa in "Authorization for Medication" aikuj dedelok jen ibbam im taktō eo an ajiri eo nejum. Ewōr pepa in ilo health ruum eo. Uno eo aikuj bed ilolan men eo nien jen ke ear itok jen jikin uno eo ak pharmacy im aikuj bed etan ajiri eo. Uno ko reban itok ñan jikuul ibben ajiri eo ak ilo baj eo.

Laajrakin etale ko ikijen ejmour renaaj kōmman jinoin fall aoleb yiō in jikuul:

1. Etale ikijen lolak ijen kin men ko rettolok
2. Etale ikijen roñjak ñan jaroñroñ
3. Etale ikijen scoliosis ak jorāān in di eo likin ñe ej iib ñan rijikuul ro ilo kilaaj lalem

NANA MEJATOTO/MŌKAJ IN KAROOL/KILŌK JIKUUL

Ewōr juōn kein jermal ñan leto letak melele ibben baamle ko ilo ien enana mejatoto/iduñ ko. Koba ibben kōjermal talebon im email ko, kim māroñ text baamle ko kin enaan ko raurōk. Elañe kwokōnaan elolo text jen bukōn eo, eñiin ej ruo laajrak aikuj kōmman:

1. Lolorjak bwe en bed cell nōmba eo am ilo Skyward ibben jikuul eo an rijikuul eo nejum.
2. Kadreloñ am elolo enaan in text ko ilo am jeiki **YES** ak **Y** ñan **67587**.
3. Kwomāroñ ebbōk melele ilo minit eo wōt ikijen an kilōk jikuul im iduñ melele ko an bukōn in jikuul eo an Auburn (ASD) ilo www.schoolreport.org. ASD ej kōjermal jikin in ñan ilik kōjjelā iduñ ko, einwōt melele ko ikijen an kilōk im rumuj jikuul.
4. Kwomāroñ kadreloñ etam bwe kwōn ebbōk iduñ mājejo ko ilo e-mail ak text. Ñan am kadreloñ etam ñan e-mail ak text etal ñan www.schoolreport.org <http://www.schoolreport.org/> im jibed My School Report innem loor kamelele ko rebidodo. Ñan kadreloñ etam ñan text ko, kwonaaj aikuj kebaak kōmbani in cell eo am bwe ren kalikar e-mail atoreej eo an talebon eo am.
5. Elañe kwōjjab māroñ kōjermal internet, aoleb ien kwomāroñ lale channel in tv eo an bukōn eo ikijen melele ko rekāal ikijen rumuj im kilōk. Ekkā an kōjjelā ko jino ilo 6 awa jibboñ in lelok oktak ko an tōre in ilo laajrak eo an jikuul eo amim.
6. Bar juōn kein jermal kwōmāroñ kōjermal ej FlashAlert ilo Mobile App. Kein jermal in ej jermal ñan kōjjelā iduñ ko im melele kin an jikuul kilōk. Ilo ien am download app in, baamle ko remāroñ kalikkar aer elolo kōjjelā ko.

Elañe ewōr jabdewōt am kajjitōk, jouj im kebaak Department eo an Communications ilo communications@auburn.wednet.edu

JOORTOKLIK ak INJURAN

Bukōn in jikuul eo an Auburn ejjab lelok joortoklik ak injuran in taktō ikijen jorāān ko rej walok ilo jikuul. Melelein mennin ej an jinen/jemen eddo muri in taktō elañe juōn rijikuul enaaj jorāān ilo makitkit ko an jikuul. Bukōn eo ej lelok melele kin juōn bebe in joortoklik in ejmour ikijen an rijikuul jorāān, bōtaab ejjab rejañ bwe joortoklik in en bōk jenkwon jabdewōt joortoklik, kinke ewōr im elōñ kālet ko ikijen joortoklik. Ewōr joortoklik in ñan an jinen/jemen lemnak kake.

Juōn joortoklik in ejmour ikijen an rijikuul jorāān ej juōn wāwein eo emman ñan rijikuul ro ejelok aer bar joortoklik, kinke joortoklik in ej lelok jibañ ñe ej walok jorāān. Joortoklik in ejmour an rijikuul ej bōk eddo in nañinmij im jorāān, 24 awa aoleb raan. Elañe rijikuul eo ej bōk kwonaan ilo ikkure ko an jikuul, elukkun emman wāwein in.

Elañe ewōr an rijikuul eo bar juōn joortoklik in ejmour, joortoklik eo an rijikuul emāroñ bar jermal ñan jibañ kōllāiki joortoklik ko rej tōbrak ak rejjab tōbrak ilo joortoklik eo juōn (waan joñok, kankan ko im kōlla ko kwonaam). Elañe ewōr an kajjitōk ikijen joortoklik in, jouj im kirkok kōmbani eo ilo talebon nōmba eo emōj laajrak ilo pepa eo aer.

MEN KO RENA AJ JAKO im LOI

Nien mweiu k ko "Rejako im Emo j Loi" ebed ilo Pioneer breezeway. Jouj im anemkwōj in bōj rak tok ilo obii j eo, im rijerbal ro amim renaaj kwalok waj jikin in.

JĀĀN, KEIN IKKURE, im MEN KO RAURŌK

Kin an kauatata an māroñ jako jāān, ewōr kajjitōk bwe rijikuul ro renjab bōktok jāān elablok jen joñan eo renaaj aikuji ñan ien jikuul. Kein tōrejab ko raurōk, kein ikkure, im mweiu k ko raurōk raiku j bed wōt mweo im jab bōktok ñan jikuul. Ejjab an jikuul eo eddo ikijen an jako ak jorāān mweiu k ko an juōn. Rijikuul ro rej kōjerbal kein ikkure ak men ko jet remāroñ kakkure mejatoto in katak renaaj bōki men kein, im men ko renaaj rool lok jemlokin raan eo. Ikijen talebon cell im kein jerbal kabeel ko jouj im lale katmāne ko ilo beij 6.

KWELOK KO AN JINEN AK JEMEN/RIKAKI

Ilo Nobōmba, kwelok ko renaaj laajrak ibben jinen im jemen kin wun eo ñan kōjjelā wōnmaanlok eo an rijikuul eo. Elañe rikaki ak jinen/jemen renaaj kajjitōk, kwelok ko jet remāroñ bar laajrak. Kim ej rejañ bwe en wōnmaanlok an leto letak kamelele iloan yiō eo kōtaan jinen/jemen im rikaki ro.

LAAJRAK KO ÑAN BUKŌT UAAK - RITTO RO

Emāroñ wōr ien enaaj wōr an jinen/jemen abunōnō ikijen an rijikuul eo wōnmaanlok ilo jikuul ñe ejjab juōn kajjitōk ikijen laajrak an jikuul. Ilo ien rōt in, enaaj jibañ ñe jinen im jemen ejelā wāwein aer lelok abunōnō in, bukōt jemlok eo, ak uaa ke kajjitōk eo. Rijerbal ro an Pioneer rekōnaan lelok uaa k ñan rijikuul im jinen/jemen ilo wāwein ko rej jibañ. Ñan an jinen/jemen jibañ ilo burokraam in jikuul, kim ej rejañ bwe kwōn bōk aoleb melele mool ko mokta jen am kōmman jemlok kin abunōnō ak jamelele ko ajiri ro rej bōkwaj ñan mweo. Kirlok jikuul eo ak armij ro ewōr abunōnō kin er ekkā an māroñ bōbrae jamelele ko rellab.

Ekkā rejañ bwe jine im jemen ren bōklok abunōnō eo ñan rijerbal eo ebaake tata wāwein/jekjek eo. Ikijen wōnmaanlok in katak ko, lemnak eo an ajiri eo kin jikuul, katak ko, makitkit ko an kilaaj, katak ikijen bwōd in mwil iloan kilaaj, im men ko jet, rikaki eo ej armij eo kwonaaj kebaak jino in tata. Mennin emāroñ tōbrak ilo am kirlok ilo talebon, email, ak jilkinlok juōn pepa ñan jikuul eo. Innem, rikaki eo enaaj kebaak jinen im jemen.

Abunōnō ko jet remāroñ kajju lok ñan burinjibōl eo. Armij eo in kwonaaj kebaak elañe jinen/jemen im rikaki ro rejjab māroñ bukōt jemlok eo. Laptata, aurōk bwe kwōn mōkaj in kebaak jikuul eo ñe ewōr abunōnō. Kim kōnaan jibañ ajiri im jinen im jemen. Men ko rabañ remāroñ mōkaj im jejjet aer emman ñe enaaj wōr kōjjelā ñan rijerbal ro bwe ren jelā kin abunōnō kein. Jouj im jab āliklik in kajjitōk jibañ.

LAAJRAK KO ÑAN BUKŌT UAAK - RIJIKUUL RO

Pioneer Elementary ej jibañ kabeel ko ikijen bukōt jemlok im jibañ ajiri ro edrek kin kabeel in bukōt mejlan abañ im kālet ko aer make. Wāwein in aurōk ñan kajojo in edreklok eo an rijikuul ro am, im ej jibañ kōmane juōn mejatoto in jikuul eo emman im kwōn ikijen ekatak.

Juōn wāwein kim ej jibañ rijikuul edrek ilo aer bed ilobelej im lemnak ej ikijen aer kōjerbal Kālet ko an Kelso (Kelso's Choices). Kelso's Choices ej lelok 9 wāwein ko remman ñan rijikuul ilo aer bukōt mejlan abañ/abunōnō jidrik, im jibañ rijerbal ro amim jibañ rijikuul edrek ilo kabeel ko aer make. Rijikuul ro remāroñ kālet wāwein jerbal/Kelso's Choice eo ekkar tata ilo juōn ien ñan aer bukōt uaa k in abañ eo.

- | | |
|-----------------------------|---------------------------------|
| 1) Jab ellak | 6) Kōmman kwōn |
| 2) Etal jene | 7) Kōttar im kamed buruōm |
| 3) Kenono kake | 8) Jolok am bwōd |
| 4) Ba ren bōj rak | 9) Ajeej im lelok ien ñan aolep |
| 5) Etal ñan bar juōn ikkure | |

Emōj katakin rijikuul ro bwe ren kajjeoñ 2 kālet ilo ien aer ioon abañ jidrik ko, mokta jen aer etal ñan juōn ritto bwe en jibañ. Bōtaab, elañe jorāān eo enaaj wōnmaanlok wōt im/ak reioon juōn jorāān elab, rijikuul ro renaaj kenono ibben juōn ritto relōke. Pepa in

kadreeleel ko kin 9 wāwein ko rej bed ilo kajojo kilaaj ko bwe rijikuul ren kōjberbal, im ritto ro rej aolep ien ebaake iloan kilaaj eo ñe ejjab ilo jikin ikkure eo bwe ren bōk kwonaer ilo jabdewōt ien.

Kim ej kallimur in katakin rijikuul ro mwil emman enaaj katakin er bwe ren tōbrak ilo aer bukōt jemlokin abañ ko! Ñan melele ko relablok kin burokraam eo an "Kelso's Choice" etal ñan www.kelsoschoice.com.

IEN KAKKIJE

Emōj kōmane jikin ikkure eo ñan makitkit ko relōñ bwe aoleb ren itok limoer kake. Ien kakkije ej juōn ien an aoleb rijikuul kamoururi er make, ikkure ibben ro mōttaer im rijikuul ro ilo kilaaj eo aer, im kōkalle mōnōnō eo aer bwe en emman raan eo. Kim ej katmāne bwe rijikuul ren loor Pioneer PATH (Kautiej, Bōk Eddo, katmāne mwil ko rekwōn) ilo ien kakkije. Ilo aer loor Pioneer PATH, aoleb rijikuul renaaj itok limoer ilo ien kakkije. Emōj rejañ rijikuul bwe ren bōktok jakit ewōr kein kalibobo bar ñan jikuul. Ewōr raan emāroñ wōr jidrik wōt mejatoto. Rijikuul ro remāroñ kōnake jakit ko ewōr libobo in bar ilo ien kein, im ikkure wōt nabōj. RiLale ien kakkije remāroñ kir bwe ren kakkije iloan jikuul kin an nana mejatoto. Kein kajineet im kakien ko an jikuul rej bar jberbal ilo ien kakkije iloan mōn jikuul eo.

DROULUL IN OBIJA AN RIJIKUUL (ASB)

Droulul in obija eo an rijikuul ej juōn droulul an rijikuul ej lelok jibañ ñan jikuul im jukjuk in bed eo. Droulul eo an rijikuul ej bebe kin burojāāk ko rej make wōt, kōmman lemnak ñan oktak im emman lok ko im jibañ kin ien im makitkit ko an aoleben jikuul eo. Ro uaan droulul eo rej jberbal ibben rijerbal in Pioneer Elementary bwe ren katak kabeel ko ikijen tel, kōmman lemnak, karejar, im leto letak lemnak. Rijikuul ro ilo kilaaj 3-5 remāroñ kālet er bwe ren jberbal ilo Droulul in an Rijikuul ilo fall. Kwonaaj lablok am roñ kin Droulul eo an Rijikuul elikin an jino jikuul.

TALEBON KO AN JIKUUL

Kinke talebon ko an jikuul elab aer jberbal kin wunin jberbal ko, aikuj wōr joñan an rijikuul kōjberbal talebon. Rijikuul ro reban melim aer kirlok mweo mweer bwe ren kajjitōk melim ñan aer lolak mōttaer, bed elikin jikuul ñan makitkit ko, ak makitkit ko jet. Ewōr katmāne bwe riikuul ro ren kōmman kwōn kein mokta jen aer emakit jen mweo mweer in jibboñ.

BIJA KO AN RIJIKUUL

Kajojo fall, ewōr kwōn rej kōmman ibben ribija eo bwe en bōke kajojo bijaan rijikuul ro am ñan rekoot ko an rijikuul. Einwōt juōn jibañ ñan jinen/jemen, bija kein remāroñ wiaiki ilo aer kōllāiki mokta. Bijaan kilaaj ko rej kōmman im remāroñ bar wiaiki ilo aer kōllāiki mokta.

MŌÑĀ IN KAMAO LAL

Jouj im kakememej bwe kakien eo an state ej kalikkar mōñā in kamao lal ko rej kōmat ilo mweo rejjab itok ñan jikuul ñan paade ko an kilaaj ak birthday ko. [Aoleb mōñā in kamao lal ko rej aikuj bōk jen mōn wia ko](#). Komool kin am karejar. Kim ej rejañ baamle ko ñan aer kālet mōñā ko ewōr ōnier ilo ien aer bōktok mōñā in birthday ko (waan joñok, apple mwijmwij ko emōj aer bakiji, betkej (cracker), cheese stick, pretzel, raisin, im men ko jet). Jekdoon ejjab lukkun emman ñan ejmour, kukiij ko jen mōn wia ko, kabkeek, ak mōñā in kamao lal ko jet renaaj melim. Jouj im mokta kebaak rikaki eo an ajiri eo nejum ñan amiro jimor bukōt juōn raan/awa, emman lok jemlokin raan in jikuul.

JERBAL ILO EJELOK KŌLLĀ (VOLUNTEER) ILO PIONEER

Kwōj ruwainene in volunteer ilo Pioneer, im kim ej kōjberbal volunteer ro ilo wāwein ko relōñ. Elañe kwokōnaan, kwonaaj aikuj in kanne juōn pepa in etale melele ko am maanlok an Washington State Patrol. Pepa in ej bed ilo lain eo "For Families" ilo website eo am (www.auburn.wednet.edu). Elañe kwar lelok juōn pepa ñan bar juōn droulul ñe ejjab juōn obij nabōjin bukōn in am, kwonaaj aikuj bar kanne juōn pepa kāāl. Etale melele ko jen tōre ko maanlok an Washington State ej loloorjak ad lale ajiri ro nejid bwe ren kwōn elañe ewōr armij ro rejjab mōttan rijerbal ro rej jberbal iloan jikin jikuul eo. Mennin enaaj jberbal ñan 1 yiō in jikuul im aikuj dedelok ilo aoleb kajojo yiō in jikuul kāāl. Ñan melele ko relablok lale rijerbal eo amim ej kōlaajrak an baamle bōk kwonaer.

PTA (Parent Teacher Association)

Jouj im lemnak kin am koba tok ibben PTA eo an Pioneer. Mennin ej juōn wawein eo emman ñan am bōk kwonaam ilo makitkit ko relōñ ilo jikuul eo amim! Ñan melele ko relablok, bōjrak tok ilo obij eo im kenono ibben rijerbal eo amim ej kolaajrak an Baamle Bōk Kwonaer.

REJIJTÖR ÑAN VOTE (VOTER REGISTRATION)

Jitijen ro joñoul ruwalitök aer yiō im rittolok remāroñ tōbrak in vote ilo ien ekāleel eo kein kajuōn im men eo elab. Pepa in rejijtör ñan vote rebed ilo kajojo jikuul an Auburn im ilo laiburāre eo ilo bukōn eo. Kadedelok pepa eo am im karool lok ñan obij eo im kim naj mōnōnō in meel e ñan kwe.

KAKIEN KIN MENNIN UROOR KO

Jouj im lale kabe in Māroñ ko an Rijikuul, Eddo ko aer, im Kakien emōj kadrebe ijin. Ewōr men ko relab remāroñ jemlok kin an rijikuul rubrub kakien:

- ASD3240.15: Kein uroor im mweiuk ko rekauata - Kōjberbal, ewōr ibbeir, ak kōjberbal jabdewōt kein uroor ak mweiuk ewōr lemnak emāroñ juōn kein uroor jen ibben jabdewōt rijikuul ilo jikin jikuul ak ilo juōn makitkit an jikuul emo.

KADIWŌJ JEN JIKUUL

Elañe kwonaaj lemnak in emakit jen bukōn eo ñe ejab ñan bar juōn jikuul ilo Auburn, jouj im kōjjelāiki obij eo an jikuul ke kwōj kadriwōj ajiri eo nejum mokta jen am etal. Mennin ejjab jibañ wōt kim kakwōni rekoot ko, bōtaab ej bar kamelim bwe kim en lewaj melele eo kwonaaj aikuñ ñan kadreloñ ajiri eo nejum ilo jikuul eo juōn. Jouj im lolorjak am lale ibben ajiri eo nejum ñan karool tok aoleb bok in laiburāre im bok in jikuul ko remāroñ bed ibben mokta jen raan eo eliktata in jikuul.

MELELE KIN WEBSITE

Melele ko an jikuul im bukōn rebed ilo website eo amim www.auburn.wednet.edu/pioneer.

ENAAAN KO KIN EJELOK KALIJŌKLOK

Bukōn in Jikuul eo an Auburn ej loor aoleb kakien ko an federal im ejjab kalijeklok kin joñan yiō an armij; kōrā ak emaan; kōlar in kilier; tōmak; kabuñ; lal ko rej itok jene (koba kajin); kōrā ak emaan; ñe rej kōnaan kōrā ak emaan im wāwein aer kwalok ñe er kōrā ak emaan; ñe raar duwōjlok jen tarinae kin utamwe ak rej ritarinae wōt; ñe ewōr utamwe ilo ānbwinier ak kōmelij; kōjberbal kidu ñan jibañ tel er kinke ewōr utamwe ibbeir; im joñan wōt juōn an lelok jibañ ko ñan Boy Scouts ro im douluul ko jet an jodikdik im emōj jitōñ er.

Kajjitök ko ikijen loor laajrak ko remāroñ kajju ñan:

Daman Hunter ilo (253) 931-4932, Title IX Officer im Section 504, ADA, im Civil Rights Compliance Coordinator.